



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Fabrica Sancti Petri de Vrbe.

urn:nbn:de:hbz:466:1-10793

& alias decretum ipsum in omnibus, & per omnia exequatur. Caterum si superior in regularem delinquentem non animaduertit, quinimo si illum impunitum ad alia suorum ordinum loca, extra episcopi, diocesim, vt praefertur, transmiserit volumus, & simili motu, atque auctoritate decernimus, vt superior instante episcopo, intra terminum, ab episcopo praefigendum, & sub eisdem indignationis nostra, ac priuationis dignitatum, & officiorum obtentorum, nec nō & sub inhabilitatis ad illa, & alia in posterum obtinenda, ac vltimus, priuationis actiua & passiuæ vocis, ad quas a nemine praeterquam a nobis, & a Romano Pontifice pro tempore existente restitui possit, ipso facto similiter incurrendis poenis, ipsum regularem delinquentem a loco, ad quem transmissus fuit reuocare, & in quo deliquit, constituere seu sistere teneatur. Quod si hoc etiam facere praetermiserit, per presentes similiter statuimus, vt ordinarius loci ad quem regularis delinquens transmissus fuerit, super praemissis ab ipso ordinario loci, in quo deliquit, similiter requisitus, vel alias de illius delicto informatus, vt praefertur, tanquam Sedis Apostolicæ delegatus praedicti Concilij decretum omnino exequi, & in regularem delinquentem seuerè animaduertere possit, & debeat. Decernentes sic, & non aliter per quoscumque iudices, & Commissarios quauis auctoritate fungentes, etiam eiusdem Rom. Ecclesiae Cardinales, & Causarum Palatii Apostolici Auditores, sublata eis, & eorum cuiuslibet quauis aliter iudicandi, & interpretandi facultate, & auctoritate, vbi que iudicari, & diffiniri debere, irritum quoque, & inane, quicquid secus super his a quoquam, quauis auctoritate scienter, vel ignoranter contigerit attentari. Non obstantibus, &c.

Jurisdicatio ordinariorum est fundata in iure commun cap. omnes basilica. 16. q. 7. cap. cum personæ de priuileg. in 6. super omnes de diocesi exceptis exemptis. cap. sane, & ibi gl. de excels. pralat. & proprie Sedis Apostolicæ est eximere gl. in c. 1. ver. exemptionis de priuileg. in 6. qui exempti in multis casib. iurisdictioni episcoporum subijciuntur. gl. in d. c. 1. in ver. instituta, & in clem. 2. §. fin. in ver. puniri de penit. & remiss. & quando priuilegium non extendatur contra ordinarium est tex. in c. Ne aliqui de priuileg. in 6. & quando ex verbis priuileg. osti discerni possit, si ordinariorum iurisdictioni sit derogatum, vide tex. in c. ex parte de priuileg. & in c. Si Papa. eod. tit. lib. 6. Mascard. de probat. conclus. 713. An autem pendente lite inter episcopum, & aliquem ex suis clericis, exemptus existat clericus ab ipsius episcopi iurisdictione, notabiliter declaratur per Guhel. Cassad. decis. 5. sub tit. de priuileg.

FABRICA SANCTI PETRI DE VRBE.

Congruit
tit. de
testam.

PRÆTER Summissas sciendum est, quod licet Episcopi de iure sint executores piarum voluntatum c. 2. & cap. tua nobis, & ibi Doct. praesertim Conplures explicans assertiones de testam. etiam tanquam Sedis Apostolicæ delegati, Concil. Trid. sess. 22. de ref. cap. 8. in princ. id etiam agere valet Officium Reuerendæ Fabricæ S. Petri, & extat Pij. V. Bulla applicationis Fabricæ medietatis relictorum piorum non exactorum per triennium, sub Dat. Romæ XI. kal. Ianuarij. 1569. folio. 1605. in Bullario incip. Exigit, & infra.

Pij. V.

H. ne est, quod nos, qui nuper accepimus, quod tam in alma Vrbe nostra, alijs Ciuitatibus, Terris, Dominijs, locis, & Regnis reperuntur multa legata a pijs testatoribus facta ad effectum celebrationis Missarum, & recitationis Diuinorum officio-

Officiorum, nec non erogationis elemosynarum diuersis Ecclesijs, Monasterijs, Hospitalibus, & alijs pijs locis, ipsaque legata heredum auaritia, seu alias per triennium retroactū executioni debitæ demandata nõ fuerint, volentesque &c. De Apostolica potestatis plenitudine Deputatis, & Collegio huiusmodi, si & postquam iuxta tenorem priuilegiorum, & facultatum tibi concessarum legata huiusmodi executioni debitæ demandari fecerint, vnam illorum medietatē, reliquam vero loco, cui legata fuerint, applicamus, & appropriamus. Decernentes &c. Sicque per quoscumque iudices &c. (Super qua Bulla, & alijs dubijs editæ fuerunt declarationes sequentes.

Declarationes facultatum Reuerendæ fabricæ Sancti Petri de Vrbe factæ ab Illustrissimis Deputatis dictæ Fabricæ in Vrbe residentibus, super interpretatione eis concessa dubiorum occurrentium circa priuilegia directæ Fabricæ, ad tollendas difficultates, quæ sæpe in controuersijs iudiciorum coram eius Commissariis, & iudicibus oriuntur, ac pro faciliori litium expeditione infra scripta declaranda, & interpretanda duxerunt, videlicet.

Quoniam iuxta priuilegia eidem Reuerendæ Fabricæ concessa delegatis, hereditatibus, & pijs dispositionibus certis, ad fauorem piorum locorum, Ecclesiarum, & Ecclesiasticarum personarum, pro vna vice, & sine onere, aut cum eo relicta, & factis, quæ intra annum ab heredibus, seu alias grauatis realiter adimpleta, non fuerunt vsque ad triennium computandum a die mortis, quinta pars, tantum ad ipsam fabricam spectat, lapsa vero triennio, si adhuc ad impleta non fiat, eidem Fabricæ medietas debetur. Declaramus medietatem huiusmodi pariter die mortis dictorum testatorum, & disponentium ipsi Fabricæ debitam esse, seruandâque fore in his Bullam fel. rec. Pii Papæ V. sub Datum 11. kal. Ianuarii. 1569. quam generaliter de omnibus pijs relictis intelligendam esse significamus, & interpretamur, & prædicta etiam locum habere in relictis similibus, quæ intra statutum a testatore, & disponente tempus satisfacta non sunt, vt eo lapsa triennium intelligatur cūcurisse a die mortis.

Annua vero pia legata, & disposita pijs locis Ecclesijs, & Ecclesiasticis personis certis, & nominatis cum onere celebrationis Missarum Diuinorum Officiorum, erogatione elemosynarum, aut similium in perpetuum, aut ad certum tempus, seu statutis quibusdam diebus in anno, vel hebdomada, pro quorum adimpletione bona, seu etiam redditus perpetui, aut ad tempus relinquuntur: & heredum, seu aliorum, qui ad id quomodolibet obligati erant, aut tenebantur, auaritia, pro præterito adimpleta cum effectu non sunt tunc redditus, & relicta huiusmodi hucusque decursa, & realiter non solata, fabricæ debeantur: In futurum vero decurrenda ipsis legatariis cum onere iniuncto applicentur, vt hætenus obseruatum est.

Quando vero bona, seu annui redditus, & introitus a monasterijs, Capitulis, Cappellanis, seu alijs legatariis percepti, & exacti sunt, ac percipiuntur, & exiuntur pro dicta celebratione Missarum, & diuinorum Off. in perpetuum, aut ad tempus vt supra; & Missæ huiusmodi, aut diuina off. in toto, vel in parte ab ipsis legatariis celebratæ nõ fuerunt, vel celebrari deseruerunt, aut etiã minime celebrantur propter ipsorum legatariorum negligentiam, seu impotentiam nempe, quod maior sit numerus Missarum, quam Sacerdotum, huiusmodi relicta pro rata Missarum, & diuinorum Officiorum, sic per negligentiam, seu impotentiam omisarum ad Fabricam ipsam deuoluta esse declaramus. Dantes facultatem ministris a nobis deputatis, seu ab alijs ad hæc specialiter substitutis, vt cum legatariis, aut alias.

alias obligatis, ad quos spectat, si eis melius expedire videbitur, pro præterito tantum desuper componere valeant.

Si autem ipsi legatarii, quibus a principio redditus, & bona huiusmodi relicta sunt ex instituto, & obseruantia regula, talium relictorum incapaces erant, aut a principio quidem capaces existebant, sed propter regulæ mutationem incapaces effecti sunt, inherendo dictæ Fabricæ priuilegijs, aut declarationibus alias factis, præsertim sub die 18. Martij 1589. Declaramus huiusmodi, quæ a principio personis incapacibus facta sunt, siue ex post facto incapaces sunt redditi, non ad hæredes grauatos, seu alias obligatos spectare, seu uti caduca ab eis vindicari posse, sed Fabricam ipsam nedum in vim institutionis, sed etiam substitutionis, & fideicommissi, tanquam incerta effecta spectauisse, & spectare, & sub priuilegijs ipsius Fabricæ comprehendere, prout etiam quæ forte ex quacunque causa a legatarijs ipsis etiam incapacibus recufata, & non acceptata fuerunt, acceptantur, & non acceptantur.

Similiter annua pia legata pro pauperibus puellis nuptui tradendis, quæ amore Dei, seu alias ratione animæ, non autem affectu sanguinis, aut remuneracionis seruitiorum facta erunt, si per aliquot annos ab hæredibus, aut alijs grauatis neglecta fuerint, nec effectualiter persoluta, seu deposita, etiam si forte per dictos hæredes, aut grauatos huiusmodi puellarum electio facta foret pro annis, & temporibus decursis, ad Fabricam ipsam pertinere declaramus. Decurrenda vero in futurum pro pauperibus huiusmodi puellis maritandis etiam antea electis, ut præfertur, integra cõcedantur, nisi in totum incerta essent, ita ad Fabricam iuxta priuilegia, omnino spectarent, prout etiam eidem Fabricæ competunt omnia alia pia legata incerta, & maxime pro male ablatis relictis, ita ut etiam ab Ordinarijs locorum si forte ad eos peruenerint, vindicari valeant iuxta priuilegia prædicta.

Insuper quia, ut accepimus, sæpe huiusmodi legata, & pia dispositiones pro constructione Monasteriorum, Hospitalium, Cappellarum, aut pro sustentatione ecclesiasticarum personarum secularium, seu regularium, tam virorum, quam mulierum, & similibus, nec intra, vel post triennium, hæredes ea adimplere curant, ex quibus si quinta, aut medietas respectiue pro Fabrica detrahatur, opera ipsa aut in totum negligantur, aut sine debita perfectione inchoata remanent, nec defunctorum voluntas, ut par est, obseruatur. Quo ut huic incommodo, quantum fieri potest, occurramus, & hæredibus, ac alijs obligatis omnis fraudis occasio auferatur, dum huiusmodi legatorum solutionem, & executionem procrastinare solent, ut interim dictorum priorum relictorum fructus percipiant, ad quorum restitutionem non teneri prætendant, & per capitalis solutionis satisfecisse testatorum voluntati contendunt. Idcirco declaramus dictos hæredes, seu alios grauatos existere ad fructus huiusmodi legatorum persoluendos, a die mortis, quos realiter ex re legata, seu alias relicta perceperunt, aut percipere potuerunt, si res huiusmodi sui natura, aut alias fructifera sit ita tamen, ut in posterum fabricæ non quinta, aut medietas relictæ, sed fructus ipsi talis relictæ persoluantur, legatum vero ipsum integrum pro perfectione dicti pii relictæ consignetur, & reseruetur.

Præterea, quia sæpe contingit pia huiusmodi legata, & dispositiones pro constitutione Monasteriorum, Hospitalium, seu Ecclesiarum, & similibus relictorum, debita executioni demandari non posse propter aliquod facti, seu iuris impedimentum; quia nempe pecunia relicta ad construendum Monasterium non sufficit,

sufficit, aut in loco a testatore designato edificari non potest, seu etiam licentia ab Episcopo, aut alio Superiore obtineri nequit: cum æquum non sit, ut pium opus huiusmodi propterea deseratur, sed potius in aliud de iure commutandum veniat, declaramus, ut granatis certus competens terminus præfigatur, arbitrio Iudicum pro impedimentis huiusmodi realiter, & cum effectu remouendis, aut pro obtinenda a Sede Apostolica commutatione talis pii relictæ, & dispositionis. Quod si terminus elapsus, & impedimenta remota non fuerint, aut commutatio obtenta non sit, tunc legatum ipsum integraliter a Fabrica exigatur, proinde ac si ad Fabricæ utilitatem deuolutio facta fuisset.

Cum vero interdum eo vsque habendi cupiditas accrescat, ut non vereantur multi hæredes, & legatarii scripturas falsas fabricare, priores datas cõfringere, aut alias Fabricam ipsam defraudare: Declaramus contra huiusmodi falsarios, complices aut quouis modo culpabiles, omnibus iuris, & facti remedijs procedi debere, etiam declarando eos in censuras Ecclesiasticas, & pœnas incidisse, multas, & pœnas ad fabricæ utilitatem conuertendas fore, iuxta eiusdem fabricæ priuilegia.

Tandem teneri hæredes, qui intra statuta a iure tempora, bonorum hæreditariorum legitima inuentaria non confecerunt, ad integram solutionem faciendam legatorum, & piorum relictorum, quoties iuxta eiusdem fabricæ priuilegia, in foro iudiciali conuenti fuerint, neque sub prætextu, quod hæreditas soluendo non sit, excusare posse, quo minus etiam ultra vires hæreditarias teneantur. Cum enim sine inuentarii confectione hereditates adeundo, aut in eis seipfos immiscendo, cum legatarijs quali contraxisse videantur, non debent beneficio legis perfrui, quam contemnendam esse censuerunt, nisi a S. D. N. restitutionem in integrum aduersus lapsum temporis ad inuentarii confectionem concessi forsitan obtinuerit.

Ne autem de prædictis vlllo vnquam tempore dubitari contingat, & ut iustitiam indifferenter omnibus cuiuscunque gradus, & conditionis existunt, ministretur, iussimus, & mandauimus hanc nostram declarationem etiam per Secretarium nostrum in membranis redigi, solitoq. sigillo subsignari. Datum Romæ die vigesima septima mensis Martii Millesimo quingentesimo nonagesimo octauo. Pontificatus S. D. N. Clementis Papæ Octauæ. Anno eius septimo.

Ad fauorem etiam prædicti Officii Fabricæ adest Motus proprius Pii Papæ III per quem datur facultas Collegio, & Deputatis Fabricæ S. Petri de Vrbe, cogendi quoscunque Notarios ad aperiendum, & ostendendum testamenta, post annum a die obitus testatoris fol. 728. in Bullar. incip. Etsi per diuersos, & infra.

De Apostolicæ potestatis plenitudine, prædictis Collegio, & eius Commissarijs, ut sub pœna excommunicationis laræ sententiæ, ac alias iuxta formam facultatum, priuilegiorum, & indultorum prædictorum, omnes, & singulos Notarios, penes quos huiusmodi testamenta clausa, ut præfertur, vel alias reperiuntur, vel in futurum reperientur, post annum a die obitus testatorum ad illa aperienda, & ipsis Commissarijs ostendenda, solutaque ipsis Notarijs debita mercede, iuxta formam priuilegiorum prædictorum ad tradendum sibi exemplar ipsorum Testamentorum in forma probanti, & authentica, etiam cum inuocatione brachii secularis, si opus fuerit, quacunque appellatione remota cogere possint tenore præsentium concedimus, & indulgemus. Sicque in præmissis &c. Non obstantibus &c.

Item.

Item ad fauorem prædicti Officij Fabricæ per Pium V. fuit prouisum, quod duæ sententiæ diffinitiuæ in causis Fabricæ Sancti Petri faciant rem iudicatam in ea parte, in qua sunt conformes, & commissiones appellationum, quæ concederentur, intelligantur cum clausula, sine præiudicio executionis duarum conformium, vt in eius Bulla incip. Et si omnium litium &c. fol. 1066. in Bullar.

De erectione Collegij Fabricæ Basilicæ S. Petri de Vrbe, eiusque Officialibus, facultatibus, iurisdictione, indultis, exemptionibus, vide constitutionem Clem. VII. incip. Admonet nos &c. fol. 292. in Bullar.

FIDEI PROFESSIO.

PRÆTER Summissas sciendum est, quod publicam fidei professionem facere tenentur prouisi de cathedralibus, canonicatibus dignitatibus, & alijs quibuscunque beneficijs ecclesiasticis, curam animarum habentibus ex Concil. Triden. decreto sess. 24. c. 1. & 12. de refor. gener.

In Concilio Provinciali, & Synodo diocesana emittitur etiam ab his qui de iure, vel consuetudine interesse debent ob decretum Conc. Trid. sess. 25. c. 2. de refor. gene. Quicunque de monasterijs, conuentibus, domibus, & alijs quibuscunque locis regularium quorumcunque ordinum, etiam militiarum quocunque nomine vel titulo prouidentur ex Pii. 4. Constitutione de anno 1564. Idibus Nouëbris Incip. Iniunctum. Videlicet.

Iniunctum nobis Apostolicæ seruitutis officium requirit, vt ea quæ Dominus Omnipotens, ad prouidam Ecclesiæ suæ directionem, Sanctis Patribus, in nomine suo cõgregatis diuinitus inspirare dignatus est, ad eius laudem, & gloriam incunctanter exequi properemus. Cum itaq; iuxta Concilij Trid. dispositionem, omnes, quos deinceps Cathedralibus, & Superioribus Ecclesijs præfici, vel quibus de illarum dignitatibus Canonicatibus, & alijs quibuscunque beneficijs ecclesiasticis curam animarum habentibus, prouideri contingeret, publicam Orthodoxæ fidei professionem facere, seque in Romanæ Ecclesiæ obedientia perturbatos, spondere, & iurare teneantur: Nos volentes etiam per quoscunque quibus de monasterijs, Conuentibus Domibus, & alijs quibuscunque locis, Regularium quorumcunque Ordinum, etiam Militiarum, quocunque nomine, vel titulo prouidebitur, idem seruari, & ad hoc, vt vnus eiusdem fidei professio vniformiter ab omnibus exhibeatur, vnicaque, & certa illius forma cunctis innotescat, nostræ sollicitudinis partes, in hoc alicui minime desiderari, formam ipsam præsentibus annotatam, publicari, & vbique gentium per eos, ad quos ex decretis ipsius Concilij, & alios prædictos spectant, recipi, & obseruari, ac sub pœnis per Concilium ipsum in contraueniens latis, iuxta hanc, & non aliam formam, professionem prædictam solenniter fieri auctoritate Apostolica tenore præsentium districte precipiendo mandamus, huiusmodi sub tenore.

Qui Summus Pont. de ea emittenda in ordinatione, & promotione Doctorum, & per alios cuiusvis artis, & facultatis professores altera eius Consti. prouidit eodem die, & anno, incip. In sacrosancta. fol. 829. in Bullario. Videlicet.

In sacrosancta Beati Petri Principis Apostolorum Cathedra, meritis licet imparibus, hæc procellis militantis Ecclesiæ tempestatibus constitutos, plurimum nos oportet esse sollicitos, vt Domini gregem curæ nostræ commissum non solum